



16687

十八家詩鈔卷十二目錄

韓昌黎七古七十八首

琴操十首

嗟哉董生行

汴州亂二首

利劍

河之水二首寄子姪老成

山石

天星送楊凝郎中賀正

汴泗交流贈張僕射

十八家詩鈔卷十二目錄

忽忽

鳴鴈

龍移

雉帶箭

條山蒼


贈鄭兵曹

桃源圖

東方半明

贈唐衢

貞女



贈侯喜

古意

八月十五夜贈張功曹

謁衡嶽廟遂宿嶽寺題門樓

峒嶼山

永貞行

李花贈張十一署

杏花

感春四首

寒食日出遊

十八家詩鈔

卷十一目錄

憶昨行和張十一

劉生詩

鄭羣贈簞

豐陵行

遊青龍寺贈崔大補闕

贈崔立之評事

送區弘南歸

三星行

剝啄行

陸渾山火和皇甫湜用其韻

和虞部盧四汀酬翰林錢七徽赤藤杖歌

感春五首

醉留東野

李花二首

寄盧仝

酬司門盧四兄雲夫院長望秋作

誰氏子

河南令舍池臺

石鼓歌

贈劉師服

十八家詩鈔

卷十一目錄

三

聽穎師彈琴

盧郎中雲夫寄示送盤谷子詩兩章歌以和之

月蝕詩效玉川子作

射訓狐

短燈檠歌

華山女

雪後寄崔二十六丞公

送僧澄觀

奉酬盧給事雲夫四兄曲江荷花行見寄竝呈上錢七兄

閻老張十八助教

記夢

白香山七古上五十首

七德舞

法曲

二王後

海漫漫

立部伎

華原磬

上陽人

胡旋女

十八家詩鈔

折臂翁

太行路

司天台

捕蝗

昆明春

城鹽州

道州民

馴犀

五絃彈

蠻子朝

卷二十一 目錄

四

驃國樂

縛戎人

驪宮高

百鍊鏡

青石

兩朱閣

西涼伎

八駿圖

澗底松

牡丹芳

十八

家詩鈔

紅綾毯

杜陵叟

繚綾

賣炭翁

母別子

陰山道

時世妝

李夫人

陵園妾

鹽商婦

八卷十一目錄

五

杏爲梁

井底引銀瓶

官牛

紫毫筆

隋堤柳

草茫茫

古冢狐

黑潭龍

天可度

秦吉了

鷓鴣九劍

采詩官

十八家詩鈔

卷十二 目錄

六

十八家詩鈔卷十二目錄

襄校

十八家詩鈔卷十二

湘鄉曾國藩纂

合肥李鴻章審訂

東湖王定安校

韓昌黎七古七十八首

琴操十首

並序

將歸操

孔子之趙聞殺鳴犢作

狄之水兮其色幽幽我將濟兮不得其由涉其淺兮石齧我足
乘其深兮龍入我舟我濟而悔兮將安歸尤歸兮歸兮無與石
鬪兮無應龍求

倚蘭操

孔子傷不逢時作

蘭之猗猗揚揚其香不採而佩於蘭何傷今天之旋其曷為然
十八家詩鈔 卷十二 七古 韓愈

我行四方以日以年雪霜買賣蕎麥之茂子如不傷我不爾觀
蕎麥之茂蕎麥之有君子之傷君子之守

龜山操

孔子以季桓子受齊女樂諫不從望龜山而

作

龜之氛兮不能雲雨龜之枿兮不中梁柱龜之大兮祇以奄魯
知將隳兮哀莫余伍周公有鬼兮嗟余歸輔

越裳操

周公作

雨之施物以孳我何意於彼為自周之先其艱其勤以有疆宇
私我後人我祖在上四方在下厥臨孔威敢戲以侮孰荒于門
孰治于田四海既均越裳是臣

拘幽操 文王美里作

目窈窕兮其凝其盲耳肅肅兮聽不聞聲朝不日出兮夜不見
月與星有知無知兮爲死爲生嗚呼臣罪當誅兮天王聖明

岐山操 周公爲太王作

我家于幽自我先公伊我承序敢有不同今狄之人將土我疆
民爲我戰誰使死傷彼岐有暵我往獨處爾莫余追無思我悲
履霜操 尹吉甫子伯奇無罪爲後母譖而見逐自傷

作

父兮兒寒母兮兒飢兒罪當笞逐兒何爲兒在中野以宿以處
四無人聲誰與兒語兒寒何衣兒飢何食兒行于野履霜以足
十八家詩鈔 卷十二 七 韓愈 二
母生眾兒有母憐之獨無母憐兒甯不悲

雉朝飛操 牧犢子七十無妻見雉雙飛感之而作

雉之飛于朝日羣雌孤雄意氣橫出當東而西當啄而飛隨飛
隨啄羣雌粥粥嗟我雖人曾不如彼雉雞生身七十年無一妾
與妃

別鵠操 商陵穆子娶妻五年無子父母欲其改娶其

妻聞之中夜悲嘯穆子感之而作

雄鵠銜枝來雌鵠啄泥歸巢成不生子大義當乖離江漢水之
大鵠身鳥之微更言相逢日且可繞樹相隨飛

殘形操 夜子夢見一狸不見其首作

有獸維狸兮我夢得之其身孔明兮而頭不知吉凶何爲兮覺坐而思巫咸上天兮識者其誰

嗟哉董生行

淮水出桐柏山東馳遙遙千里不能休淝水出其側不能千里百里入淮流壽州屬縣有安豐唐貞元時縣人董生召南隱居行義於其中刺史不能薦天子不聞名聲爵祿不及門門外惟有吏日來徵租更索錢嗟哉董生朝出耕夜歸讀古人書盡日不得息或山而樵或水而漁入廚具甘旨上堂問起居父母不感感妻子不咨咨嗟哉董生孝且慈人不識惟有天翁知生祥下瑞無時期家有狗乳出求食雞來哺其兒啄啄庭中拾蟲蟻十八家詩鈔卷二十七古 韓愈 三

生誰將與儔時之人夫妻相虐兄弟爲讐食君之祿而令父母愁亦獨何心嗟哉董生無與儔

汴州亂

汴州自大歷後多兵劉元佐死子士雷代之無度其將李萬榮逐而代之萬榮死董晉寔代之晉卒陸長源總雷後八日而軍亂長源死公是時已從晉喪出汴四日寔貞元十五年二詩之作蓋譏德宗姑息之

云政

汴州城門朝不開天狗墮地聲如雷健兒爭誇殺雷後連屋累棟燒成灰諸侯咫尺不能救孤士何者自輿哀母從子走者爲誰大夫夫人雷後兒昨日乘車騎大馬坐者起趨乘者下廟堂不肯用干戈嗚呼奈汝母子何

利劍光耿耿佩之使我無邪心故人念我寡徒侶埒用贈我比
知音我心如冰劍如雪不能刺讒夫使我心腐劍鋒折決雲中
斷開青天瞻劍與我俱變化歸黃泉

河之水二首寄子姪老成

河之水去悠悠我不如水東流我有孤姪在海陬三年不見兮
使我生憂日復日夜復夜三年不見汝使我鬢髮未老而先化
河之水悠悠去我不如水東注我有孤姪在海浦三年不見兮
使我心苦采蕨于山緡魚于淵我祖京師不遠其還

山石

十八家詩鈔 卷十二 七古 四
山石聳嶸行徑微黃昏到寺蝙蝠飛昇堂坐階新雨足芭蕉葉
大支子肥僧言古壁佛畫好以火來照所見稀鋪牀拂席置羹
飯疏糲亦足飽我飢夜深靜臥百蟲絕清月出嶺光入扉天明
獨去無道路出入高下窮煙扉山紅澗碧紛爛漫時見松櫪皆
十圍當流赤足蹋澗石水聲激激激風吹衣人生如此自可樂豈
必局束為人讎嗟哉吾黨二三子安得至老不更歸

天星送楊凝郎中賀正

此詩貞元十二年作時楊凝以戶部郎中為宣武軍判官公時與同

佐董晉幕凝自汴朝

天星牢落雞喔咿僕夫起餐車載脂正當窮冬寒未已借問君
子行安之會朝元正無不至受命上宰須及時侍從近臣有虛

位公今此去歸何時

汴泗交流贈張僕射

貞元十五年公在徐州張建封幕汴水徐之西泗水徐之南故以名篇公集有諫張僕射擊毬書此詩言此誠習戰非為劇豈若安坐行良圖蓋亦以譏之也

騰樹赤旗新秋朝涼未見日公早結束來何為分曹決勝約前
定百馬攢蹏近相映毬驚杖奮合且離紅牛纓紱黃金羈側身
轉臂著馬腹霹靂應手神珠馳超遙散漫兩閒暇揮霍紛紜爭
變化發難得巧意氣羸謹聲四合壯士呼此誠習戰非為劇豈
若安坐行良圖當今忠臣不可得公馬莫走須殺賊

忽忽

十八家詩鈔

卷十二 七古

韓愈

五

忽忽乎余未知生之為樂也願脫去而無因安得長翮大翼如
雲生我身乘風振奮出六合絕浮塵死生哀樂兩相棄是非得
失付閒人

鳴鴈

嗷嗷鳴鴈鳴且飛窮秋南去春北歸去寒就暖識所依天長地
闊棲息稀風霜酸苦稻粱微毛羽摧落身不肥徘徊反顧羣侶
違哀鳴欲下洲渚非江南水闊朝雲多草長沙輒無網羅閒飛
靜集鳴相和違憂懷惠性匪他凌風一舉君謂何此在幕府不
遠舉而
他適也

龍移

此詩謂南山湫也湫初在不地一日風雷移居山上其山下湫遂化為上長安人至今謂之乾湫公題炭

谷詩云厥處不地上巢
居插天山其此之意歟

天昏地黑蛟龍移雷驚電激雄雌隨清泉百丈化爲土魚鼈枯
死吁可悲

雉帶箭

原頭火燒靜兀兀野雉畏鷹出復沒將軍欲以巧伏人盤馬彎
弓惜不發地形漸窄觀者多雉驚弓滿勁箭加衝人決起百餘
尺紅翎白鏃相傾斜將軍仰笑軍吏賀五色離披馬前墮

條山蒼

條山蒼河水黃浪波沄沄去松柏在山岡波浪句喻世人隨俗
波靡松柏句喻君子

歲寒後凋亦
自況之詩

十八家詩鈔

卷十二 七古

韓愈

六

贈鄭兵曹

罇酒相逢十載前君爲壯夫我少年罇酒相逢十載後我爲壯
夫君白首我材與世不相當戢鱗委翅無復望當今賢俊皆周
行君何爲乎亦遑遑杯行到君莫停手破除萬事無過酒

桃源圖

神仙有無何眇芒桃源之說誠荒唐流水盤迴山百轉生綃數
幅垂中堂武陵太守好事者題封遠寄南宮下南宮先生忻得
之波濤人筆驅文辭文工畫妙各臻極異境恍惚移於斯架巖
鑿谷開宮室接屋連牆千萬日羸顛劉蹶了不聞地坼天分非
所惜種桃處處惟開花川原近遠蒸紅霞初來猶自念鄉邑歲

久此地還成家漁舟之子來何所物色相猜更問語大蛇中斷
喪前王羣馬南渡開新主聽終辭絕共悽然自說經今六百年
當時萬事皆眼見不知幾許猶流傳爭持酒食來相饋禮數不
同樽俎異月明伴宿玉堂空骨冷魂清無夢寐夜半金雞調嘶
鳴火輪飛出客心驚人閒有累不可住依然離別難為情船開
棹進一迴顧萬里蒼蒼煙水暮世俗甯知僞與真至今傳者武
陵人

東方半明

此詩與煌煌東方星典奇頗同蓋指順宗即位不能親政而憲宗在東宮之時也時賈耽鄭珣諭東方半明大星沒也執說叔文初相汲引此詩所以私意更相猜忌此詩所以順宗已厭機政執說叔文尚以

十八家詩鈔

卷十二

七古 韓愈

影須臾期也及憲宗立而叔文執說竄猶東方明而殘月太白滅此詩所以喻殘月暉暉太白睽睽雞三號更

東方半明大星沒獨有太白睽殘月嗟爾殘月勿相疑同光共
影須臾期殘月暉暉太白睽睽雞三號更五點

贈唐衢

虎有爪兮牛有角虎可搏兮牛可觸奈何君獨抱奇材手把鋤
犁饑空谷當今天子急賢良甌函朝出開明光胡不上書自薦
達坐令四海如虞唐

貞女峽

在連州桂陽縣貞元十九年冬公自監察御史謫連州陽山令有此詩荆州記秦時有女子化人石

在東岸

穴中

江盤岫東春滿豪雷風戰鬪魚龍逃懸流盡轟射水府一瀉百里翻雲濤漂船擺石萬瓦裂咫尺性命輕鴻毛

贈侯喜

吾黨侯生字叔起呼我持竿釣温水平明鞭馬出都門盡日行
行荆棘裏温水微茫絕又流深如車轍闢容轉蝦蟇跳過雀兒
浴此縱有魚何足求我爲侯生不能已盤針擘粒投泥滓嘯時
堅坐到黃昏手倦日勞方一起暫動還休未可期蝦行蛭渡似
皆疑舉竿引綫忽有得一寸纔分鱗與鬣是日侯生與韓子良
久歎息相看悲我今行事盡如此此事正好爲吾規半世遑遑
就舉選一名始得紅顏衰人閒事勢豈不見徒自辛苦終何爲
十八家詩鈔 卷二十七 古詩 八

古意

太華峯頭玉井蓮開花十丈藕如船冷比雪霜甘比蜜一片入
口沈痾痊我欲求之不憚遠青壁無路難負緣安得長梯上摘
實下種七澤根株連

八月十五夜贈張功曹

織雲四卷天無河濤風吹空月舒波沙平水息聲影絕一杯相
屬君當歌君歌聲酸辭且苦不能聽終淚如雨洞庭連天九疑
高峻龍出沒猩鼯號十生九死到官所幽居默默如藏逃下牀

响樓山尖神禹碑字青石赤形摹奇科斗拳身薙倒披鸞飄鳳
泊擎龍螭事嚴跡祕鬼莫窺道人獨上偶見之我來咨嗟涕漣
漉干搜萬索何處有森森綠樹後孫悲

永貞行

貞元廿一年正月德宗崩順宗即位病不能視朝
是爲憲宗順宗爲太上皇改元永貞此詩所以具載太

皇謂順宗小人謂叔文元臣故老謂杜佑高郢鄭珣
等嗣皇謂憲宗郢官荒都意指劉禹錫坐叔文黨貶連
州也公方量移江陵而夢得出爲連州邂逅荆蠻故作
是詩觀終篇之意可見其爲夢得作也或云自四門
肅穆賢俊登下爲別篇非是

君不見太皇亮陰未出令小人乘時偷國柄北軍百萬虎與貔
天子自將非他師一朝奪印付私黨是歲五月王叔文等以金

祿策京西諸城鎮行營節度使以度支郎中韓泰爲其行軍司
馬叔文欲奪取宦官兵權以自固藉希朝老將使主其名而實

十八家詩鈔卷十二七古韓愈

以泰專其事人情不測其慄慄朝士何能爲狐鳴梟噪爭署置
所爲益疑懼私黨即泰也

賜朕跳跟相嫵媚夜作詔書朝拜官超資越序曾無難公然白

日受賄賂火齊磊落堆金盤元臣故老不敢語書臥涕泣何決

瀾王叔文用事一日諸相會食叔文至中書欲與韋執誼計事
執誼起迎諸相停筯以待有頃報叔文索飯已與韋相同餐
閣中矣杜佑高郢懼不敢言鄭珣瑜獨歎

日吾豈可復居此位索馬徑歸臥不起

景九錫行可歎國家功高德且厚天位未許庸夫干嗣皇卓犖

信英主文如太宗武高祖膺圖受禪登明堂共流幽州鯨死羽

四門肅穆賢俊登數君匪親豈其册郎官清要爲世稱荒郡迫

野嗟可矜九月貶韓泰撫州司封郎中韓暹池州禮部員外郎

官遷謫禹錫至荆南改武陵湖波連天日相騰鬢俗生梗瘴癘
司馬此詩未改武陵前作也

蒸江氣嶺履昏若凝一蛇兩頭見未曾怪鳥鳴喚令人憎蠱蟲
羣飛夜撲燈雄虺毒螫墮股肱食中置藥肝心崩左右使令詐
難憑慎勿浪信常兢兢吾嘗同僚情可勝具書目見非妄徵嗟
爾既往宜爲懲

李花贈張十一署

江陵城西二月尾花不見桃惟見李風揉雨練雪羞比波濤翻
空杳無埃君知此處花何似白花倒燭天夜明羣雞驚鳴官吏
起金烏海底初飛來朱輝散射青霞開迷魂亂眼看不得照耀
萬樹繁如堆念昔少年著遊燕對花豈省曾辭杯自從流落憂
感集欲去未到先思迴祇今四十已如此後日更老誰論哉力
攜一罇獨就醉不忍虛擲委黃埃

十八家詩鈔

卷十二

十一

杏花

居鄰北郭古寺空杏花兩株能白紅曲江滿園不可到看此甯
避雨與風二年流竄出嶺外所見草木多異同冬寒不嚴地恆
泄陽氣發亂無全功浮花浪藥鎮長有纔開還落瘴霧中山櫛
躑躅少意思照耀黃紫徒爲叢鷓鴣鉤輞後叫歇杳杳深谷攢
青楓豈如此樹一來翫若在京國情何窮今旦胡爲忽惆悵萬
片飄泊隨西東明年更發應更好道人莫忘鄰家翁

感春四首

第二首

我所思兮在何所情多地遐兮徧處處東西南北皆欲往干江

隔兮萬山阻春風吹園雜花開朝日照屋百鳥語三杯取醉不復論一生長恨奈何許

皇天平分成四時春氣漫誕最可悲雜花妝林草蓋地白日座上傾天維蜂喧鳥咽留不得紅萼萬片從風吹豈如秋霜雖慘冽摧落老物誰惜之為此徑須沽酒飲自外天地棄不疑近憐李杜無檢束爛漫長醉多文辭屈原離騷二十五不肯餽啜糟與醜惜哉此子巧言語不到聖處甯非癡幸逢堯舜明四目條理品彙皆得宜平明出門暮歸舍酌酹馬上知為誰朝騎一馬出眠就一牀臥詩書漸欲拋節行久已情冠欵感髮禿語誤悲齒墮孤負平生心已矣知何奈

十八家詩鈔 卷十二 十一 韓愈

我恨不如江頭人長網橫江遮紫鱗獨宿荒陂射鳧鴈賣納租賦宮不曠歸來歡笑對妻子衣食自給甯羞貧今者無端讀書史智慧只足勞精神畫蛇著足無處用兩鬢雪白趨埃塵乾愁漫解坐自累與眾異趣誰相親數杯澆腸雖暫醉皎皎萬慮醒還新百年未滿不得死且可勤買拋青春

寒食日出遊

張十一院長見示病中憶花九篇寒食日出遊夜歸因以投贈張十一即功曹署公與張

同自御史貶官又同為江陵掾公法曹參軍張功曹參軍元和元年時也

李花初發君始病我往看君花轉盛走馬城西惆悵歸不忍千株雪相映邇來又見桃與梨交開紅白如爭競可憐物色阻攜手空展霜縑吟九詠紛紛落盡泥與塵不共新收比端正桐華

最晚今已繁君不强起時難更關山遠別固其理寸步難見始
知命憶昔與君同貶官夜渡洞庭看斗柄豈料生還得一處引
袖拭淚悲且慶各言生死兩追隨直置心親無貌敬念君又署
南荒吏張在江陵未幾邕管經略使路怨署爲判官路指鬼門幽且覓三公盡是知
音人曷不薦賢陛下聖囊空餓倒誰救之我今一食日還併自
然憂氣損天和安得康強保天性斷鶴兩翅鳴何哀繫驥四足
氣空橫今朝寒食行野外綠楊市岸蒲生遊宋玉庭邊不見人
輕浪參差魚動鏡自嗟孤賤足瑕疵特見放縱荷寬政飲酒甯
嫌賤底深題詩尙倚筆鋒勁明宵故欲相就醉有月莫愁當火
令

十八家詩鈔

卷十二 七古

韓愈

三

憶昨行和張十一

憶昨夾鐘之呂初吹灰上公禮罷元侯迴上公方以爲當作社而享客也朱子云上公卽社神也不必改爲社公車載牲牢糞鼻酒竝召賓客延鄒枚
腰金首翠光照耀絲竹迴發清以哀青天白日花草麗玉墀屢
舉傾金罍張君名聲座所屬起舞先醉長松摧宿醒未解舊疴
作深室靜臥聞風雷自期殞命在春序屈指數日憐嬰孩危辭
苦語感我耳淚落不掩何濯濯自首至此敘張與裴卹念昔從
君渡湘水大帆夜劃窮高桅陽山鳥路出臨武驛馬拒地驅頻
隕踐蛇姑蠱不擇死忽有飛詔從天來伍文未搆崖州熾難得
赦宥恆愁猜近者三姦悉破碎羽窟無底幽黃能眼中了了見

鄉國知有歸日眉方開自念昔從君至此敘與張同貶南荒而俱幸北歸今君縱畧天

涯吏投檄北去何難哉張在江陵雖經邕管經略使路恕奏署為判官而可以辭謝不往故勸其投檄

北去投檄投無妄之憂勿藥喜一善自足穰千災頭輕目朗

肌骨健古劍新斲磨塵埃歿銷禍散百福併從此直至耆與鮪

嵩山東頭伊洛岸勝事不假須穿栽君當先行我待滿沮溺可

繼窮年推自今君縱畧至此祝張病體康復將耦耕於嵩山之下

劉生詩

生名師命其姓劉自少軒輊非常儔棄家如遺來遠遊東走梁

宋暨揚州遂凌大江極東陬洪濤春天禹穴幽越女一笑三年

畱南逾橫嶺入炎州青鯨高磨波山浮怪魅炫曜堆蛟虬山獐

十八家詩鈔卷二十七古 韓愈西

謹譟猩猩游毒氣爍體黃膏流問胡不歸良有由美酒傾水肉

肥牛妖歌慢舞爛不收倒心迴腸為青眸千金邀顧不可酬乃

獨遇之盡綢繆瞥然一餉成十秋昔鬢未生今白頭五管歷徧

無賢侯迴望萬里還家羞陽山窮邑惟猿猴手持釣竿遠相投

我為羅列陳前修芟蒿斬蓬利鋤穰天星迴環數纔周文學穰

穰困倉稠車輕御良馬力優咄哉識路行勿休往取將相酬恩

誰劉在廣南當有名妓聲價甚高而遇劉獨厚者美酒二句劉

待劉之治遊也倒心向傾情於名妓也千金句聲價高也綢繆句

厚也

鄭羣贈簞

蘄州笛竹天下知鄭君所寶尤瓌奇攜來當晝不得臥一府傳

看黃琉璃體堅色淨又藏節盡眼凝滑無瑕疵法曹貧賤眾所
易腰腹空大何能爲自從五月困暑溼如坐深甌遭烝炊手磨
袖拂心語口慢膚多汗真相宜日暮歸來獨惆悵有賣直欲傾
家資誰謂故人知我意卷送八尺含風漪呼奴掃地鋪未了光
彩照耀驚童兒青蠅側翅益避肅肅疑有青飈吹倒身甘寢
百疾愈卻願天日恆炎曦明珠青玉不足報贈子相好無時衰
豐陵行

羽衛煌煌一百里曉出都門葬天子羣臣雜沓馳後先宮官穰
穰來不已是時新秋七月初金神按節炎氣除清風飄飄輕雨
灑偃蹇旂旒卷以舒逾梁下坂笳鼓咽嶙嶙遂走玄宮閭哭聲
十八家詩鈔卷二十七 韓愈 五
旬天百鳥噪幽坎晝閉空靈輿皇帝孝心深且遠資送禮備無
贏餘設官置衛鎖嬪妓供養朝夕象平居臣聞神道尚清淨三
代舊制存諸書墓藏廟祭不可亂欲言非職知何如

遊青龍寺

贈崔大補闕

諸本大作羣崔羣字敦詩公同年進士也公元和元年在京師爲國

子博士時作詳詩意可見寺在京城南門之東洪慶善云詩中正值萬株紅葉滿謂柿也靈液屢進頗黎盃謂

也

秋灰初吹季月管日出卯南暉景短友生招我佛寺行正值萬
株紅葉滿光華閃壁見神鬼赫赫炎官張火傘然雲燒樹大實
駢金烏下啄頰虬卵魂翻眼倒忘處所赤氣沖融無間斷有如
流傳上古時九輪照燭乾坤旱二三道士席其間靈液屢進頗

黎盃忽驚顏色變，韶穉卻信靈仙非。怪誕桃源迷路竟，茫茫棗
下悲歌徒纂纂。前年嶺隅鄉思發，躑躅成山開不算。去歲羈帆
湘水明，霜楓千里隨歸伴。猿呼鼯嘯鷓鴣啼，側耳酸腸難濯澣。
思君攜手安能得，今者相從敢辭嬾。由來鈍騃寡參尋，況是儒
官飽閑散。惟君與我同懷抱，鋤去陵谷置平坦。年少得途未要
忙，時清諫疏尤宜罕。何人有酒身無事，誰家多竹門可款。須知
節候卽風寒，幸及亭午猶妍暖。南山逼冬轉清瘦，刻畫圭角出
崖竅。當憂復被冰雪埋，汲汲來窺誠遲緩。

贈崔立之評事

崔侯文章苦捷敏，高浪駕天輪不盡。曾從關外來上都，隨身卷

十八家詩鈔

卷十二 七古

崔立之

十六

軸車連軫朝爲百賦猶鬱怒，暮作千詩轉迥緊。搖毫擲簡自不
供頃刻，青紅浮海蜃才豪氣，猛易語言往往蛟螭雜。螻蛄知音
自古稱難遇，世俗乍見那妨哂。勿嫌法官未登朝，猶勝赤尉長
趨尹。時命雖乖心轉壯，技能虛富家逾窘。念昔塵埃兩相逢，爭
名齟齬持矛楯。子時專場誇觜距，余始張軍嚴鞞鞞。爾來但欲
保封疆，莫學龐涓怯孫臏。竄逐新歸厭聞鬧，齒髮早衰嗟可閔。
頻蒙怨句刺棄遺，豈有閑官敢推引。深藏箴箠時一發，戢戢已
多如束筍。可憐無益費精神，有似黃金擲虛牝。當今聖人求侍
從，拔擢杞梓收楛菌。東馬嚴徐已奮飛，校舉卽召窮且忍。復聞
王師西討蜀，霜風冽冽摧朝菌。走章馳檄在得賢，燕雀紛拏要

鷹隼竊料二塗必處一豈比恆人長蠢蠢勸君韜養待徵招不用雕琢愁肝腎牆根菊花好沽酒錢帛縱空衣可準暉暉簷日暖且鮮撼撼井梧疏更殞高士例須憐麴糵丈夫終莫生畦畛能來取醉任喧呼死後賢愚俱泯泯

送區弘南歸

穆昔南征軍不歸蟲沙後鶴伏以飛洶洶洞庭葦微九疑鏡天荒是非野有象犀水貝幾分散百寶人士稀我遷于南日周

貞元十九年冬公謫陽山明年冬弘來故云日周圍

來見者眾莫依倚爰有區子熒熒

暉觀以彝訓或從違我念前人譬葑菲落以斧引以繹徽雖有

不逮驅駢駢或採于薄漁于磯服役不辱言不譏從我荊州來

十八家詩鈔

卷二十七古

韓愈

七

京畿離其母妻絕因依嗟我道不能自肥子雖勤苦終何希王

都觀闕雙巍巍躡眾駿事鞍鞮佩服上色紫與緋獨子之節

可嗟啼母附書至妻寄衣開書拆衣淚痕晞雖不勅還情庶幾

朝暮盤羞惻庭闈幽房無人感伊威人生此難餘可祈子去矣

時若發機蜃沈海底氣昇霏彩雉野伏朝扇暈處子窈窕王所

妃苟有令德隱不腓況今天子鋪德威蔽能者誅薦受禩出送

撫背我涕揮行行正直慎脂韋業成志樹來頎頎我當爲子言

天扉

三星行

我生之辰月宿南斗牛奮其角箕張其口牛不見服箱斗不挹

酒漿箕獨有，神靈無時停。簸揚無善名，已聞無惡聲。已謹名聲相，乘除得少失。有餘三星各在天，什伍東西陳。嗟汝牛與斗，汝獨不能神。

剝啄行

剝啄啄有客，至門我不出。應客去而曠，從者語我子胡為然。我不厭客困于語言，欲不出納以堙其源。空堂幽幽有積有莩，門以兩版叢書於間。窅窅深塹其墉，甚完彼甯可墮。此不可干從者語我，嗟子誠難子。雖云爾其口益蕃，我為子謀有萬其全。凡今之人急名與官，子不引去與為波瀾。雖不開口雖不開關，變化咀嚼有鬼有神。今去不勇其如後，艱我謝再拜汝無復云。往追不及來，不有年。

十八家詩鈔

卷二十七古

韓愈

六

陸渾山火和皇甫湜用其韻

皇甫補官古，賁渾時當玄。冬澤乾源山，狂谷很相吐。吞風怒不休，何軒軒擺磨。出火以自燔，有聲夜中驚。莫原天跳地，蹕顛乾坤赫赫上。照窮崖垠，截然高周燒。四垣神焦鬼爛，無逃門三光。弛墮不復瞰，虎熊麋豬逮。猴猿水龍鼉龜魚，與黿鴟鴞鷹雉。鴟鴞燐魚煨，炮執飛奔。已上渾寫祝融告休酌卑尊，告休猶休。即客也，周禮小司徒云：使各登其鄉之眾，寡鄉大。夫云牽其吏與其眾，寡此云卑尊猶彼云眾寡耳。錯陳齊攻闢華園芙蓉披猖塞鮮繁，陳設二句。干鐘萬鼓咽耳喧攢雜，啾噓沸篴。損二句。彤幢絳旃紫囊旛，旛此句。炎官熱屬朱冠禪，髹其肉皮通。

腥髻頰曾捏腹車掀轅此三句狀客緹顏靺股豹兩韃震車虹

勒日轂幡丹韃線蓋緋繡帑此三句客紅帷赤幕羅脈騰盞池

波風肉陵屯二句祭餘呀鉅壑頰黎盆豆登五山瀛四罇二句

熙熙醺醺笑語言雷公擘山海水翻齒牙嚼齧舌勝反電光纖

礪積目眩四句笑語醉態自祝融告休至此設為祝項冥收威

避玄根斤棄輿馬背厥孫縮身潛喘拳肩跟拳肩跟者謂肩與

言顛頭玄冥君君臣相憐加愛恩命黑螭偵焚其元天關悠悠

不可援夢通上帝血面論側身欲進叱於闐帝賜九河湔涕痕

又詔巫陽反其魂徐命之前問何冤火行於冬古所存我如禁

之絕其娘女丁婦王傳世婚洪日丁火也壬水也火女也水男

十八家詩鈔卷十二七古韓愈

王一朝結讎奈後昆時行當反慎藏躡視桃著花可小騫月及

申西利復怨助汝五龍從九鴟溺厥邑囚之崑崙自火行於冬

上帝勸慰水神之辭言不必皇甫作詩止睡昏辭誇出真遂上

焚要余和增怪又煩雖欲悔舌不可捫自項冥收威至此皆

和虞部盧四汀酬翰林錢七徽赤藤杖歌

赤藤為杖世未窺臺郎始攜自滇池滇王婦宮避使者跪進再

拜語嗚咿繩橋拄過免傾墮性命造次蒙扶持途經百國皆莫

識君臣聚觀逐旌麾共傳滇神出水獻赤龍拔鬢血淋漓又云

羲和操火鞭暝到西極睡所遺幾重包裹自題署不以珍怪誇

荒夷歸來捧贈同舍子浮光照手欲把疑空堂晝眠倚牖戶飛

電著壁搜蛟螭東坡以鎖拄杖壽樂全詩有句云歌壁南宮清

深禁闈密唱和有類吹塤箎妍辭麗句不可繼見寄聊且慰分

司

感春五首

辛夷高花最先開青天露坐始此迴已呼孺人戛鳴瑟更遣稚

子傳清杯選壯軍興不為用坐狂朝論無由陪如今到死得閑

處還有詩賦歌康哉

洛陽東風幾時來川波岸柳春全迴宮門一鎖不復啓雖有九

陌無塵埃策馬上橋朝日出樓闕赤白正崔嵬孤吟屢閱莫與

和寸恨至短誰能裁

十八家詩鈔

卷十二 七古

韓愈

二十

春田可耕時已催王師北討何當迴元和四年討成德節度使王承宗放車載

草農事濟戰馬苦飢誰念哉蔡州納節舊將死是年彰義軍節度使吳少誠卒

起居諫議聯翩來裴度以河南府功曹召為起居舍人孟簡孔戣皆為諫議大夫聯翩相繼也朝廷

未省有遺策肯不垂意餅與疊

前隨杜尹拜表迴笑言溢口何歡哈孔丞別我適臨汝風骨峭

峻遺塵埃音容不接祇隔夜凶訃詎可相尋來元和四年杜兼為河南尹十一

月無疾暴卒孔戣以衛尉寺丞分司東都五年正月將浴臨汝之陽泉至其縣遂卒凶訃相尋謂此天公高居鬼

神惡欲保性命誠難哉

辛夷花房忽全開將衰正盛須頻來清晨輝輝燭霞日薄暮耿

耿和煙埃朝明夕暗已足歎况乃滿地成摧頽迎繁送謝別有

意誰肯畱念少環迴

醉畱東野

昔年因讀李白杜甫詩長恨二人不相從吾與東野生竝世如
何復躡二子蹤東野不得官白首誇龍鍾韓子稍姦黠自慙青
蒿倚長松低頭拜東野願得終始如駟蚤東野不迴頭有如寸
筵撞鉅鐘吾願身為雲東野變為龍四方上下逐東野雖有離
別無由逢

李花二首

平旦入西園梨花數株若矜夸旁有一株李顏色慘慘似含嗟
問之不肯道所以獨繞百匝至日斜忽憶前時經此樹正見芳
十八家詩鈔 卷十一 七古 韓愈
意初萌芽奈何趁酒不省錄不見玉枝攢霜葩泫然為汝下雨
淚無由反旆羲和車東風來吹不解顏蒼茫夜氣生相遮冰盤
夏薦碧實脆斥去不御慙其花

當春天地爭奢華洛陽園苑尤紛拏誰將平地萬堆雪剪刻作
此連天花日光赤色照未好明月暫入都交加夜領張敞投盧
仝乘雲共至玉皇家長姬香御四羅列綺裊練曉無等差靜濯
明妝有所奉顧我未肯置齒牙清寒瑩骨肝膽醒一生思慮無
由邪

寄盧仝

元和六年春公為河南令作全閑門不出時洛陽
有畱守鄭餘慶有尹李素仝皆不見水北謂石洪
水南謂温造皆繼往河陽幕少室
謂李勣三人者皆仝所不為也

玉川先生洛城裏破屋數間而已矣一奴長鬚不裹頭一婢赤
腳老無齒辛勤奉養十餘人上有慈親下妻子先生結髮憎俗
徒閉門不出動一紀至令鄰僧乞米送僕忝縣尹能不恥俸錢
供給公私餘時致薄少助祭祀勸參畱守謁大尹言語纒及輒
掩耳水北山人得名聲去年去作幕下士水南山人又繼往鞍
馬僕從塞閭里少室山人索價高兩以諫官徵不起彼皆刺口
論世事有力未免遭驅使先生事業不可量惟用法律自繩已
春秋三傳東高閣獨抱遺經究終始往年弄筆嘲同異怪辭驚
眾謗不已近來自說尋坦塗猶上虛空跨綠駟去歲生兒名添
丁意令與國充耘耔國家丁口連四海豈無農夫親耒耜先生

十八家詩鈔

卷二十七古

韓愈

三

抱才終大用宰相未許終不仕假如不在陳力列立言垂範亦
足恃苗裔當蒙十世宥豈謂貽厥無基趾故知忠孝生天性潔
身亂倫安足擬昨晚長鬚來下狀隔牆惡少惡難似每騎屋山
下窺闕渾舍驚怕走折趾憑依婚媾欺官吏不信令行能禁止
先生受屈未曾語忽此來告良有以嗟我身爲赤縣令操權不
用欲何俟立召賊曹呼伍伯盡取鼠輩尸諸市先生又遣長鬚
來如此處置非所喜況又時當長養節都邑未可猛政理先生
固是余所畏度量不敢窺涯涘放縱是誰之過歟效尤戮僕媿
前史買羊沽酒謝不敏偶逢明月曜桃李先生有意許降臨更
遣長鬚致雙鯉

酬司門盧四兄雲夫院長望秋作

長安雨洗新秋出極目寒鏡開塵函終南曉望躡龍尾倚天更
覺青巖巖自知短淺無所補從事久此穿朝衫歸來得便即遊
覽暫似壯馬脫重銜曲江荷花蓋十里江湖生目思莫緘樂遊
下矚無遠近綠槐萍合不可芟白首寓居誰借問平地寸步局
雲巖雲夫吾兄有狂氣嗜好與俗殊酸鹹日來省我不肯去論
詩說賦相誦誦望秋一章已驚絕猶言低抑避謗讒若使乘酣
騁雄怪造化何以當鑄劓嗟我小生值強伴怯膽變勇神明鑒
平馳坑跨谷終未悔爲利而止真貪饒高揖羣公謝名譽遠追
甫白感至誠樓頭完月不共宿其奈就缺行攸攸

十八家詩鈔

卷十二 七古

韓愈

三

誰氏子

呂氏子吳河南人元和中棄其妻著道士服謝母日當學仙王屋山去數月復出見河南少尹李素

素立之府門使吏卒脫道士服給冠帶送付其母公時爲河南令作此詩有願往教誨不從而誅之語至是素始歸之事見李素墓誌

非癡非狂誰氏子去入王屋稱道士白頭老母遮門嗥挽斷衫
袖畱不止翠眉新婦年二十載送還家哭穿市或云欲學吹鳳
笙所慕靈妃媿蕭史又云時俗輕尋常力行險怪取貴仕神仙
雖然有傳說知者盡知其妄矣聖君賢相安可欺乾死窮山竟
何俟嗚呼余心誠豈弟願往教誨究終始罰一勸百政之經不
從而誅未晚耳誰其友親能哀憐寫吾此詩持送似

河南令舍池臺

灌池纔盈五六丈築臺不過七八尺欲將層級壓籬落未許波
瀾量斗碩規摹雖巧何足誇景趣不遠真可惜長令人吏遠趨
走已有蛙黽助狼藉

石鼓歌

張生手持石鼓文勸我試作石鼓歌少陵無人謫仙死才薄將
奈石鼓何周綱陵遲四海沸宣王憤起揮天戈大開明堂受朝
賀諸侯劔珮鳴相磨蒐于岐陽騁雄俊萬里禽獸皆遮羅鐫功
勒成告萬世鑿石作鼓隳嵯峨從臣才藝咸第一揀選撰刻畱
山阿雨淋日炙野火燎鬼物守護煩攜呵自周綱陵遲至此敘周宣蒐狩鐫功勒石
公從何處得紙本毫髮盡備無差訛辭嚴義密讀難曉字體不

十八家詩鈔

卷二十七古

翰愈

三

類隸與科年深豈免有缺畫快劔斫斷生蛟鼉鸞翔鳳翥眾仙
下珊瑚碧樹交枝柯金繩鐵索鎖紐壯古鼎躍水龍騰梭陋儒

編詩不收入二雅褊迫無委蛇孔子西行不到秦倚摭星宿遺

義娥

自公從何處至此敘嗟余好古生苦晚對此涕淚雙滂沱

憶昔初蒙博士徵其年始改稱元和故人從軍在右輔爲我量

度掘曰科濯冠沐浴告祭酒如此至寶存豈多擅苞席裏可立

致十鼓祇載數駱駝薦諸太廟比郤鼎光價豈止百倍過聖恩
若許畱太學諸生講解得切磋觀經鴻都尚墳咽坐見舉國來

奔波剗苔剔蘚露節角安置妥帖平不頗大厦深簷與蓋覆經

歷久遠期無佗

自嗟余好古至此中朝大官老於事詎肯感激

徒媿嬰收童敲火牛礪角誰復著手爲摩挲日銷月鑠就埋沒
六年西顧空吟哦羲之俗書趁姿媚數紙尙可博白鷺繼周八
代爭戰罷無人收拾理則那方今太平日無事柄任儒術崇邱
軻安能以此上論列願借辯口如縣河石鼓之歌止於此嗚呼
吾意其蹉跎已上慨移鼓之議不遽施行恐其無人收拾

贈劉師服

羨君齒牙牢且潔大肉硬餅如刀截我今呀豁落者多所存十
餘皆兀髡匙鈔爛飯穩送之合口輒嚼如牛呵妻兒恐我生悵
望盤中不飭粟與梨祇今年纔四十五後日懸知漸莽鹵朱顏
皓頸訝莫親此外諸餘誰更數憶昔太公仕進初口含兩齒無
十八家詩鈔卷十二 七古 韓愈

聽穎師彈琴

昵昵兒女語恩怨相爾汝劃然變軒昂勇士赴敵場浮雲柳絮
無根蒂天地闊遠隨飛揚喧啾百鳥羣忽見孤鳳凰躋攀分寸
不可上失勢一落千丈強嗟余有兩耳未省聽絲簧自聞穎師
彈起坐在一旁推手遽止之溼衣淚滂滂穎乎爾誠能無以冰
炭置我腸

盧郎中雲夫寄示送盤谷子詩兩章歌以和之

昔尋李愿向盤谷正見高崖巨壁爭開張是時新晴天井溢誰

把長劒倚太行衝風吹破落天外飛雨白日灑洛陽

天井關之水被風吹

灑洛陽語則

東蹈燕川食曠野有饋木蕨芽滿筐馬頭溪深不

可屬借車載過水入箱平沙綠浪榜方口鴈鳴飛起穿垂楊窮

谷訪李愿事

探極覽頗恣橫物外日月本不忙歸來辛苦欲

誰爲坐令再往之計墮眇芒閉門長安三日雪推書撲筆歌慨

慷旁無壯士遣屬和遠憶盧老詩顛狂開緘忽覩送歸作字向

紙上皆軒昂又知李侯竟不顧方冬獨入崔嵬藏

已上敘盧寄示詩篇知李

已入我今進退幾時決十年蠢蠢隨朝行家請官供不報答無

異雀鼠偷太倉行抽手版付丞相不待彈劾還耕桑

已上敘己將歸耕

月蝕詩效玉川子作

十八家詩鈔

卷十二 七古

韓愈

五

元和庚寅斗插子月十四日三更中森森萬木夜僵立寒氣貞

夙頑無風月形如白盤完上天東忽然有物來噉之不知是

何蟲如何至神物遭此狼狽凶星如撒沙出攢集爭強雄油燈

不照席是夕吐燄如長虹玉川子涕泗下中庭獨行念此日月

者爲天之眼睛此猶不自保吾道何由行嘗聞古老言疑是蝦

蟇精徑圓千里納女腹何處養女百醜形杷沙腳手鈍誰使女

解緣青冥黃帝有四目帝舜重其明今天祇兩目何故許食使

偏盲堯呼大水浸十日不惜萬國赤子魚頭生女於此時若食

日雖食八九無噉名赤龍黑鳥燒口熱衲鬣倒側相搪撐婪酣

大肚遭一飽飢腸徹死無由鳴後時食月罪當死天羅磕巾何

處逃汝彤玉川子立於庭而言曰地行賤臣全再拜敢告上天
公臣有一寸刃可劊凶墓賜無梯可上天天階無由有臣蹤寄
牋東南風天門西北祈風通丁甯附耳莫漏洩薄命正值飛廉
慵東方青色龍牙角何呀呀從官百餘座嚼啜煩官家月蝕汝
不知安用爲龍窟天河赤鳥司南方尾秃翅觶沙月蝕於汝頭
汝口開呀呀蝦蟇掠汝兩吻過忍學省事不以汝觜啄蝦蟇於
菟蹲於西旗旄徭甕既從白帝祠又食於禘禮有加忍令月
被惡物食枉於汝口插齒牙烏龜怯姦怕塞縮頸以殼自遮終
令夸蛾抉汝出卜師燒錐鑽灼滿板如星羅此外內外官瑣細
不足科臣請悉埽除慎勿許語令啾譁併光全耀歸我月盲眼
十八家詩鈔 卷十二 七古 游愈 七

死

射訓狐

有鳥夜飛名訓狐矜凶挾狡誇自呼乘時陰黑止我屋聲勢慄
慨非常羸安然大喚誰畏忌造作百怪非無須聚鬼徵妖自朋
扇擺掉拱桷頽塹塗慈母抱兒怕入席那暇更護雞窠雛我念
乾坤德泰大卵此惡物常勤劬縱之豈卽遽有害斗柄行拄西

南隅誰謂停姦計尤劇意欲唐突羲和烏斗柄拄西南謂天將
上也侵更歷漏氣彌厲何由僥倖休須臾咨余往射豈得已
候女兩眼張睚眦臯驚墮梁蛇走竇一夫斬頸羣雛枯

短燈檠歌

長檠八尺空自長短檠二尺便且光黃簾綠幕朱戶閉風露氣
入秋堂涼裁衣寄遠淚眼暗搔頭頻挑移近牀太學儒生東魯
客二十辭家來射策夜書細字綴語言兩目眵昏頭雪白此時
提攜當案前看書到曉那能眠一朝富貴還自恣長檠高張照
珠翠吁嗟世事無不然牆角君看短檠棄

華山女

十八家詩鈔

卷二十七古

韓愈

三

街東街西講佛經撞鐘吹螺鬧宮庭廣張罪福資誘脅聽眾狎
恰排浮萍黃衣道士亦講說座下寥落如明星華山女兒家奉
道欲驅異教歸仙靈洗妝拭面著冠帔白咽紅頰長眉青遂來
昇座演真訣觀門不許人開局不知誰人暗相報忽然振動如
雷霆掃除眾寺人跡絕驪騮塞路連輜輶觀中人滿坐觀外後
至無地無由聽抽釵脫釧解環佩堆金疊玉光青熒天門貴人
傳詔召六宮願識師顏形玉皇頷首許歸去乘龍駕鶴來青冥
豪家少年豈知道來繞百巾腳不停雲窗霧閣事恍惚重重翠
幔深金屏仙梯難攀俗緣重浪憑青鳥通丁甯

雪後寄崔二十六丞公

崔二十六斯立也斯立是時爲藍田縣丞其日藍田十月元和十年

藍田十月雪塞關我興南望愁羣山攢天鬼鬼凍相映君乃寄

十月也孟郊已死張籍病眼故有詩翁壯士之句有懷立之且念朋友之不振也

命於其間秩卑俸薄食口眾豈有酒食開容顏殿前羣公賜食
罷驂駟踟路驕且閑稱多量少鑒裁密豈念幽桂遺榛菅幾欲
犯嚴出薦口氣象硤兀未可攀歸來殞涕揜關臥心之紛亂誰
能刪詩翁憔悴斷荒棘清玉刻佩聯玦環腦脂遮眼臥壯士大
詔挂壁無由彎乾坤惠施萬物遂獨於數子懷偏慳朝歛暮惜
不可解我心安得如石頑

送僧澄觀

澄觀建僧伽塔於泗州詩語詳之公貞元十六年秋在洛陽作

浮屠西來何施為擾擾四海爭奔馳構樓架閣切星漢誇雄鬪

十八家詩鈔

卷十二 七古

韓愈

元

麗止者誰僧伽後出淮泗上勢到眾佛尤恢奇越商胡賈脫身
罪珪璧滿船甯計資清淮無波平如席欄柱傾扶半天赤火燒
水轉埽地空突兀便高三百尺影沈潭底龍驚遁當晝無雲跨
虛碧借問經營本何人道人澄觀名籍籍愈昔從軍大梁下往
來滿屋賢豪者皆言澄觀雖僧徒公才吏用當今無後從徐州
辟書至紛紛過客何由記人言澄觀乃詩人一座競吟詩句新
向風長歎不可見我欲收斂加冠巾洛陽窮秋厭窮獨丁丁啄
門疑啄木有僧來訪呼使前伏犀插腦高頰權惜哉已老無所
及坐睨神骨空漚然臨淮太守初到郡遠遣州民送音問好奇
賞俊直難逢去去為致思從容

奉酬盧給事雲夫四兄曲江荷花行見寄竝呈上錢七兄

閻老張十八助教

盧四名汀字雲夫錢七名徽字蔚章張十八卽籍也

曲江千頃秋波淨平鋪紅雲蓋明鏡大明宮中給事歸走馬來
看立不正遺我明珠九十六寒光映骨睡驪目我今官閒得婆
娑問言何處芙蓉多撐舟昆明度雲錦腳敲兩舷叫吳歌太白
山高三百里負雪崔嵬插花裏玉山前卻不復來曲江汀滢水
平盃我時相思不覺一迴首天門九扇相當開上界真人足官
府豈如散仙鞭笞鸞鳳終日相追陪

記夢

夜夢神官與我言羅縷道妙角與根挈攜陬維口瀾翻百二十

十八家詩鈔

卷十二七古

韓愈

三

刻須臾聞我聽其言未云足捨我先度橫山腹我徒三人共追
之一人前度安不危我亦平行蹋翫神完骨躡脚不掉側身
上視溪谷盲杖撞玉版聲彭舩神官見我開顏笑前對一人壯
非少石壇坡陀可坐臥我手承頰肘拄座隆樓傑閣磊鬼高天
風飄飄吹我過壯非少者哦七言六字常語一字難我以指撮
白玉丹行且咀嚙行詰盤口前截斷第二句綽虐顧我顏不歡
乃知仙人未賢聖護短憑愚邀我敬我能屈曲自世閒安能從
女巢神山

白香山七古上五十首

新樂府

竝序元和四年爲左拾遺時作

序曰凡九千二百五十二言斷為五十篇篇無定句句
無定字繫於意不繫於文首句標其目卒句顯其志詩
三百之意也其辭質而徑欲見之者易諭也其言直而
切欲聞之者深誠也其事覈而實使采之者傳信一作
也其體順而律可以播於樂章歌曲也總而言之為君
為臣為民為物為事而作不為文而作也

七德舞

美撥亂陳王業也

武德中天子始作秦王破陳樂以歌太宗之功業貞觀初太宗重制破陳樂舞圖詔魏徵虞世南等

七德舞七德歌傳自武德至元和元和小臣白居易觀舞聽歌

知樂意樂終稽首陳其事太宗十八舉義兵白旄黃鉞定兩京

十八家詩鈔

卷二十七古

白居易上

三

擒充戮竇四海清二十有四功業成二十有九即帝位三十有

五致太平功成理定何神速速在推心置人腹亡卒遺骸散帛

收貞觀初詔收天下陳死骸骨致祭而瘞埋之尋又散帛以求之也飢人賣子分金贖貞觀五年大饑

人有鬻男女者詔出御府魏徵夢見天子一作魏徵疾亟太

金帛盡贖之還其父母既寤流涕是夕徵卒故御製碑文云昔殷宗得良弼于夢中今朕失賢臣于覺後張謹哀聞辰日哭張

諱卒太宗為之舉哀有司奏曰在辰陰陽所忌不可哭上怒女

曰君臣義重父子之情也情發於中安知辰日遂哭之勸今將

三千放出宮太宗常謂侍臣曰婦人幽閉深宮情實可愍今將

於西門揀死囚四百來歸獄貞觀六年親錄囚徒死罪者三百

多人放歸死囚刑應期畢至剪鬢燒藥賜功臣李勣嗚咽思殺身李勣常疾醫

詔悉原之灰方可瘞之太宗自剪鬢燒灰賜含血吮瘡撫戰士思摩奮呼

乞効死李忠摩常中弩不獨一作則善戰善乘時以心感人人

心歸爾來一百九十載天下至今歌舞之歌七德舞七德聖人

有作垂無極豈徒耀神武豈徒誇聖文太宗意在陳王業王業

艱難示子孫

法曲 美列聖正華聲也元宗雜舞歌不能無所刺焉

法曲法曲歌大定積德重熙有餘慶永徽之人舞而詠永徽之時有貞

觀遺風故高宗制一戎大定樂曲法曲法曲舞霓裳政和世理音洋洋開元之

人樂且康霓裳羽衣曲起於開元盛於天寶也法曲法曲歌堂堂堂之慶垂無

疆中宗肅宗復鴻業唐祚中興萬萬葉貞善蕃音律能知興衰

云近者樂府有堂堂之曲再言之者唐祚再興之兆也法曲法曲雜一作夷歌夷聲邪亂

十八家詩鈔卷十二七古 白居易上 三

華聲和以亂干和天寶末明年胡塵犯宮闕法曲雖似失雅音蓋諸夏之聲也故

歷朝行焉玄宗雖雅好度曲然未嘗使蕃漢雜奏天寶十三載始詔諸道調法曲與胡部新聲合作識者深異之明年冬而安祿山乃知法曲本華風苟能審音與政通一從胡曲相參錯不

辨興衰與哀樂願求牙曠正華音不令夷夏相交侵

二王後 明祖宗之意也

二王後彼何人介公鄴公為國賓周武隋文之子孫古人有言

天下者非是一人之天下周亡天下傳於隋隋人失之唐得之

唐興十葉歲二百介公鄴公世為客明堂太廟朝享時引居賓

位備威儀備威儀助郊祭高祖太宗之遺制不獨興滅國不獨

繼絕世欲令嗣位守文君亡國子孫取為戒

海漫漫 戒求仙也

海漫漫直下無底旁無邊雲濤煙浪最深處人傳中有三神山
山上多生不死藥服之羽化為天仙秦皇漢武信此語方士年
年采藥去蓬萊今古但聞名煙水茫茫無覓處海漫漫風浩浩
眼穿不見蓬萊島不見蓬萊不敢歸童男艸女舟中老徐福文
成多誑誕上元太一虛祈禱君看驪山頂上茂陵頭畢竟悲風
吹蔓草何況玄元聖祖五千言不言藥不言仙不言白日昇青
天

立部伎

刺雅樂之替也

太常選坐部伎無性識者退入立部伎又選立部伎絕無

性識者退入雅樂部則雅樂之聲可知矣

十八家詩鈔

卷十一

七古

白居易上

三五

立部伎鼓笛誼雙舞劒跳七丸孀巨索掉長竿太常部伎有等

級堂上者坐堂下立堂上坐部笙歌清堂下立部鼓笛鳴笙歌

一曲一作聲眾側耳鼓笛萬曲無人聽立部賤坐部貴坐部退為

立部伎擊鼓吹笛和雜戲立部又退何所任始就樂懸操雅音

雅音替壞一至此長令爾輩調宮徵圓邱后土郊祀時言將此

樂感神祇欲望鳳來百獸舞何異北轅將適楚工師愚賤安足

云太常三卿爾何人

華原磬

刺樂工非其人也

天寶中始廢泗濱磬用華原石代之詢之磬人則曰

故老云泗濱磬下調之不能和得華原石考之乃和由是不改

華原磬華原磬古人不聽今人聽泗濱石泗濱石今人不擊古

人擊今人古人何不同用之捨之由樂工樂工雖在耳如壁不
分清濁卽爲龔黎園弟子調律呂知有新聲不如古古稱浮磬
出泗濱立辯致死聲感人宮懸一聽華原石君心遂亡封疆臣
果然胡寇從燕起武臣少肯封疆死始知樂與時政通豈聽鏗
鏘而已矣磬襄入海去不歸長安市兒爲樂師華原磬與泗濱
石清濁兩音誰得知

上陽

一本有白髮二字

人

愍怨曠也

天寶五載已後楊貴妃專寵後宮人無復進幸

上陽人上陽人紅顏暗老白髮新綠衣監使守宮門一閉上陽

多少春玄宗末歲初選入入時十六今六十同時採擇百餘人

十八家詩鈔

卷十二七古

白居易上

詩

零落年深殘此身憶昔吞悲別親族扶入車中不教哭皆云入

內便承恩臉似芙蓉胸似玉未容君王得見面已被楊妃遙側

目妬令潛配上陽宮一生遂向空房宿宿空房

舊本皆作牀

秋夜長

夜長無寐天不明耿耿殘燈背壁影蕭蕭暗雨打窗聲春日遲

日遲獨坐天難暮宮鶯百轉愁厭聞梁燕雙栖老休妬歸燕

去長悄然春往秋來不記年唯向深宮望明月東西四百迴

圓今日宮中年最老大家遙賜尙書號小頭鞵履穿衣裳青黛

點眉眉細長外人不見見應笑天寶末年時世樣

一作妝

上陽人苦最多少亦苦老亦苦少苦老苦兩如何君不見昔時呂尙美

人賦天寶末有密采艷色者當時號花鳥使呂尙獻美人賦以諷之又不見今日上陽宮人白

髮歌

胡旋女

戒近習也

天寶末康居國獻之

胡旋女胡旋女心應絃手應鼓絃歌一聲雙袖舉迴雪飄颻作

風飄轉蓬舞左旋右轉不知疲千巾萬周無已時人閒物類無

可比奔車輪緩旋風遲曲終再拜謝天子天子爲之微啟齒胡

旋女出康居徒勞東來萬里餘中原自有胡旋者鬪妙爭能爾

不如天寶季年時欲變臣妾人人學圓轉中有太真外祿山二

人最道能胡旋梨花園中冊作妃金雞障下養爲兒祿山胡旋

迷君眼兵過黃河疑未反貴妃胡旋感君心死棄馬鬼念更深

從茲地軸天維轉五十年來制不禁胡旋女莫空舞數唱此歌

十八家詩鈔

卷十二七古

白居易上

三

悟明主

折臂

一作新豐折臂翁

戒邊功也

新豐老翁八十八頭鬢眉鬢皆似雪玄孫扶向店前行一作

臂憑肩右一作左臂折問翁臂折來幾年兼問致折何因緣翁云

買屬新豐縣生逢聖代無征戰慣聽黎園歌管聲一作唯聽驪

不識旗槍與弓箭無何天寶大徵兵戶有三丁點一丁點得驅

將何處去五月萬里雲南行聞道雲南有瀘水椒花落時瘴煙

起大軍徒涉水如湯未過一作戰十人二三死邨南邨北哭聲哀

一作悲兒別耶孃夫別妻皆云前後征蠻者千萬人行無一回是

時翁年二十四兵部牒中有名字夜深不敢使人知偷將一作

大石槌折臂張弓簸旗俱不堪從茲使免征雲南骨碎筋傷非

不苦且圖揀退歸鄉土此臂折來六十年一肢雖廢一身全至

今風雨陰寒夜直到天明痛不眠痛不眠終不悔且喜老身今

獨在不然當時瀟水頭身死魂孤骨不收應作雲南望鄉鬼萬

人冢上哭呦呦雲南有萬人冢卽鮮于仲通所今冢猶存老人言君聽取君

一作不聞開元宰相宋開府不賞邊功防黷武開元初突厥數

牙將郝靈荃出使因引特勒回鶻部落斬突厥默闐獻首于闕

下自謂有不世之功時宋璟爲相以天子年少好武恐微功者

將靈荃遂痛哭嘔血而死又不聞天寶宰相楊國忠欲求恩

幸立邊功邊功未立生民怨請問新豐折臂翁天寶末楊國忠

鳳之役募人討之前後發二十餘萬人去無返者又捉人連枷

赴役天下怨哭人不聊生故祿山得乘人心而盜天下元和初

十八家詩鈔卷十二七古白居易上 美

存因備歌之

太行路 借夫婦以諷君臣之不終也

太行之路能摧車若比君心一作人是坦途巫峽之水能覆舟

若比君心是安流君心好惡苦不常好生毛羽惡生瘡與君結

髮未五載豈期牛女爲參商古稱色衰相棄背當時美人猶怨

悔何況如今鸞鏡中妾顏未改君心改爲君薰衣裳君聞蘭麝

-5 65 45 965" data-label="Text">

不馨香爲君盛容飾君看珠翠無顏色行路難難重陳人生莫

作婦人身百年苦樂由他人行路難難於山險於水不獨人家

-5 65 45 965" data-label="Text">

夫與妻近代君臣亦如此君不見左納言右納史朝承恩暮賜

-5 65 45 965" data-label="Text">

死行路難不在水不在山只在人情反覆間

司天臺 引古以倣今也

司天臺仰觀俯察天下際義和死來職事廢官不求賢空取藝
昔聞西漢元成閒下陵上替謫見天北辰微暗少光色四星煌
煌如火赤耀芒動角射三台上台半滅中台圻是時非無太史
官眼見心知不敢言明朝趨入明光殿唯奏慶雲壽星見天文
時變兩如斯九重天子不得知安用臺高百尺為

捕蝗 刺長吏也

捕蝗捕蝗誰家子天熱日長飢欲死興元兵久一作革傷陰陽和
氣蠱蠹化為蝗始自兩河及三輔薦食如蠶飛似雨雨飛蠶食
千里閒不見青苗空赤土河南長吏言憂農課人晝夜捕蝗蟲

十八家詩鈔

卷十二 七古

白居易上

七

是時粟斗錢三百蝗蟲之價與粟同捕蝗捕蝗竟何利徒使飢
民重勞費一蝗雖死百蝗來豈將人力競天災我聞古之良吏
有善政以政驅蝗蝗出境又聞貞觀之初道欲昌文皇仰天吞
一蝗一人有慶兆民賴是歲雖蝗不為害貞觀二年太宗吞蝗
蟲事具貞觀實錄

昆明春 思王澤之廣被也

貞元中始漲之

昆明春昆明春春池岸古春流新影浸南山青滉瀟波沈西日
紅齋淪往年因旱靈池竭龜尾曳塗魚煦沫詔開八水注恩波
千介萬鱗同日活今來淨淥水照天游魚鱗蓮田田洲香杜
若抽心短沙暖鴛鴦鋪翅眠動植飛沈性皆遂皇澤如春無不
被漁者仍豐網罟資貧人又獲菰蒲利詔以昆明近帝城官家

不得收其征菰蒲無租魚無稅近水之人感君惠感君惠獨何人吾聞率土皆王民遠民何疏近何親願推此惠及天下無遠無近同一作皆忻忻吳興山中罷榷茗鄱陽坑裏休稅銀天涯地角無禁利熙熙同似昆明春

城鹽州

美聖謨而誚邊將也

貞元壬申歲特詔城之

城鹽州城鹽州城在五原原上頭蕃東節度鉢闡布忽見新城當要路金烏飛傳贊普聞建牙傳箭集羣臣君臣赭面有憂色皆言勿謂唐無人自築鹽州十餘載左衽擅裘不犯塞晝牧牛羊夜捉生長去新城百里外諸邊急警勞成人唯此一道無煙塵靈夏潛安誰復辯秦原暗通何處見鄜州驛路好馬來長安十八家詩鈔卷二十七古易上美藥肆黃著賤城鹽州鹽州未城天子憂德宗按圖自定計非關將略與廟謀吾聞高宗中宗世北虜猖狂最難制韓公創築受降城三城鼎峙屯漢兵東西互絕數千里耳冷不聞胡馬聲如今邊將非無策心笑韓公築城壁相看養寇爲身謀各握強兵固恩澤願分今日邊將恩褒贈韓公封子孫誰能將此鹽州曲翻作歌詞聞至尊

道州民

美賢臣遇明主也

道州民多侏儒長者不過三尺餘市作矮奴年進奉號爲道州任土貢任土貢甯若斯不聞使人生別離老翁哭孫母哭兒一自陽城來守郡不進矮奴頰詔問城云臣按六典書任土貢有

不貢無道州水土所生者。只有矮民無矮奴。吾君感悟璽書下。歲貢矮奴宜悉罷。道州民老者幼者何欣欣。父兄子弟始相保。從此得作良人身。道州民民到于今。受其賜欲說使君先下淚。仍恐兒孫忘使君。生男多以陽爲字。

馴犀

感爲政之難終也

貞元丙戌歲南海進馴犀詔納苑中至十三年冬大寒馴犀死矣按李紳傳作貞元丙子且貞元至甲申乙酉而止無丙戌年此注當屬傳寫之誤也

馴犀馴犀通天犀軀貌駭人角駭雞海蠻聞有明天子驅犀乘傳來萬里一朝得謁大明宮歡呼拜舞自論功五年馴養始堪獻六譯語言方得通上嘉人獸俱來遠蠻館四方犀入苑餼以瑤芻鏤以金故鄉迢遞君門深海鳥不知鐘鼓樂池魚空結江十八家詩鈔卷十二七古白居易上完

湖心馴犀生處南方熱秋無白露冬無雪一人上林三四年又

逢今歲苦寒月飲冰臥霰苦蹠踞角骨凍傷鱗甲縮犀有回紋毛如鱗身

頂有肉甲馴犀死蠻兒唬向闕再拜顏色低奏乞生歸本國去恐身

凍死似馴犀君不見建中初馴象生還放林邑建中元年詔盡出苑中馴象放

歸南君不見貞元末馴犀凍死蠻兒泣所嗟建中異貞元象生

犀死何足言

五絃彈 惡鄭之奪雅也

五絃彈五絃彈聽者傾耳心寥寥趙璧知君入骨愛五絃一一

爲君調第一第二絃索索秋風拂松疏韻落第三第四絃冷洽

夜鶴憶子籠中鳴第五絃聲最掩抑隴水凍咽流不得五絃並

奏君試聽淒淒切切復錚錚擊珊瑚一兩曲冰寫玉盤千萬

聲鐵聲殺冰聲寒今本遺此六字不聯貫矣殺聲入肌膚血慘寒氣中人肌

骨酸曲終聲盡欲半日四座相對愁無言座中有一遠方士唧

唧咨咨聲不已自歎今朝初得聞始知孤負平生耳唯憂趙璧

白髮生老死人閒無此聲遠方士耳一作爾聽五絃信為美吾聞

正始之音不如是正始之音其若何朱絃疏越清廟歌一彈一

唱再三歎曲淡節稀聲不多融融曳曳召元氣聽之不覺心平

和人情重今多賤古古琴有絃人不撫更從趙璧藝成來二十

五絃不如五

蠻子朝

刺將驕而相備位也

貞元末蜀中始通蠻酋

十八家詩鈔

卷十二 七古

白居易

早

蠻子朝汎皮船兮渡繩橋來自嵩州道路遙入界先經蜀川一作

道過蜀將收功先表賀臣聞雲南六詔蠻東連牂牁西接蕃六

詔星居初瑣碎合為一詔漸強大開元皇帝雖聖神唯蠻倔強

不來賓鮮于仲通六萬卒征蠻一陳全軍沒至今西洱河岸邊

箭孔刀痕滿枯骨天寶十三載鮮于仲通統兵六萬討雲南王閣羅鳳于西洱河全軍覆歿誰知今

日慕華風不勞一人蠻自通誠由陛下休明德亦賴微臣誘諭

功德宗省表知如此笑令中使迎蠻子蠻子道從者誰何摩挲

俗羽雙隈伽清平官持赤藤杖大將軍繫金呿嗟或帶異牟尋

男尋閣勸特勅召對延英殿上心貴在懷遠益劉寒玉座近天

顏冕旒不垂親勞俵賜衣賜食移時對移時對不寫等大臣相

看有羨色可憐宰相拖紫佩金章朝日唯聞對一刻

驃國樂

欲王化之先邇後遠也

貞元十七年來獻之

驃國樂驃國樂出自大海西南角雍羌之子舒難陀來獻南音
奉正朔德宗立仗御紫庭黠曠不塞為爾聽玉螺一吹椎髻聳
銅鼓一擊文身踊珠纓炫轉星宿搖花鬘抖擻龍蛇動曲終王
子啟聖人臣父願為唐外臣左右歡呼何翕習至尊德廣之所
及須臾百辟詣闕門俯伏拜表賀至尊伏見驃人獻新樂請書
國史傳子孫時有擊壤老農父暗測君心閑獨語聞君政化甚
聖明欲感人心致太平感人在近不在遠太平由實非由聲觀
身理國國可濟君如心兮民如體體生疾苦心慘悽民得和平
十八家詩鈔 卷十二 七古 白居易上 望

縛戎人

達窮民之情也

元云近制西邊每擒蕃酋例皆傳置南方不加鞠戮

縛戎人縛戎人耳穿面破驅入秦天子矜憐不忍殺詔徙東南
吳與越黃衣小使錄姓名領出長安乘遞行身被金瘡面多瘡
扶病徒行日一驛朝飧飢渴費杯盤夜臥腥臊汚牀席忽逢江
水憶交河垂手齊聲唱一作嗚咽歌其中一虞語諸虜爾苦非多
我苦多同伴行人因借問欲說喉中氣憤憤自云鄉管一作本
涼原大歷年中沒落蕃一落蕃中四十載身遺一作著皮裘繫毛
帶唯許正朝一作服漢儀斂衣整巾潛一作雙淚垂誓心密定歸

鄉計不使蕃中妻子知有李如暹者蓬子將軍之子也嘗沒蕃

蕃者服唐衣冠由是悲暗思幸有殘筋骨一作更恐年衰歸不

得蕃候嚴兵鳥不飛脫身冒死奔逃歸晝伏宵行經大漠雲陰

月黑風沙惡驚藏青冢寒草疏偷度黃河夜冰薄忽聞漢軍聲

鼓聲路旁走出再拜迎游騎不聽能漢語將軍遂縛作蕃生配

向江南卑溼地定無存卹空防備念此吞聲仰訴天若為辛苦

度殘年涼原鄉井不得見胡地妻兒虛棄捐沒蕃被囚思漢士

歸漢被劫為蕃虜早知如此悔歸來兩地甯如一處苦縛戎人

戎人之中我苦辛自古此冤應未有漢心漢語吐蕃身

驪宮高 美天子重惜人之財力也

十八家詩鈔 卷十二 七古 望

高高驪山上有宮朱樓紫殿三四重遲遲兮春日玉餐煖兮溫

泉溢嫋嫋兮秋風山蟬鳴兮宮樹紅翠華不來兮歲月久牆有

衣兮瓦有松吾君在位已五載何不一幸於一作其中西去都

門幾多地吾君不遊有深意一人出兮不容易六宮從兮百司

備八十一車千萬騎朝有宴飫暮有賜中人之產數百家未足

充君一日費吾君修己人不知不自逸兮不自嬉吾君愛人人

不識不傷財兮不傷一作力驪宮高兮高入雲君之來兮為一

身君之不來兮為一本有萬人

百鍊鏡 辨皇王鑒也

百鍊鏡鑿範非常規日辰置處靈且奇江心波上舟中鑄五月

五日日午時瓊粉金膏磨瑩已化爲一片秋潭水鏡成將獻蓬萊宮揚州長吏手自封一作鈿函金人間臣妾不合照一作背有九五飛天龍人人呼爲天子鏡我有一言聞太宗太宗常以人爲鏡鑒古鑒今不鑒容四海安危居掌內百王治亂懸心中乃知天子別有鏡不是揚州百鍊銅

青石 激忠烈也

青石出自藍田山兼車運載來長安工人磨琢欲何用石不能言我代言不願作人家墓前神道碣墳土未乾名已滅不願作官家道傍德政碑不鐫實錄鐫虛辭願爲段氏顏氏碑雕鏤太尉與太師刻此兩片堅貞質狀彼二人忠烈姿義心如石屹不轉死節如石確不移如觀奮擊朱泚日似見叱呵希烈時各於其上題名諡一置高山一沈水陵谷雖遷碑獨存骨化爲塵名不死長使不忠不烈臣觀碑改節慕爲人慕爲人勸事君

兩朱閣 刺佛寺寢多也

兩朱閣南北相對起借問何人家貞元雙帝子帝子吹簫雙得仙五雲飄飄飛上天第宅亭臺不將去化爲佛寺在人間妝閣妓樓何寂靜柳似舞腰池似鏡花落黃昏悄悄時不聞鼓吹聞鐘磬寺門勅榜金字書尼院佛庭寬有餘青苔明月多閑地比屋齊民無處居憶昨平陽宅初置吞并平人幾家地仙去雙雙作梵宮漸恐人家盡爲寺

西涼伎 刺封疆之臣也

西涼伎假面胡人假獅子刻木為頭絲作尾金鍍眼睛銀帖齒
奮迅毛衣擺雙耳如從流沙來萬里紫髯深目兩胡兒鼓舞跳
梁前致辭應似涼州未陷日安西都護進來時須臾云得新消
息安西路絕歸不得泣向獅子涕雙垂涼州陷沒知不知獅子
回頭向西望哀吼一聲觀者悲貞元邊將愛此曲醉坐笑看看
不足享一作娛賓犒士宴監軍獅子胡兒長在目有一征夫年七
十見弄涼州低面泣泣罷斂手白將軍主憂臣辱昔所聞自從
天寶兵戈起犬戎日夜吞西鄙涼州陷來四十年河隴侵將七
千里平時安西萬里疆今日邊防在鳳翔緣邊空屯十萬卒飽
十八家詩鈔 卷十二 七古 白居易 白居易上 器
食溫衣閒過日遺民腸斷在涼州將卒相看無意收天子每思
常痛惜將軍欲說合慚羞奈何仍看西涼伎取笑資歡無所媿
縱無智力未能收忍取西涼弄為戲

八駿圖 誠奇物懲佚游也

穆王八駿天馬駒後人愛之寫為圖背如龍兮頸如象一作鳥骨

竦筋高脂月壯一作少日行萬里疾如飛穆王獨乘何所之四荒

八極踏欲遍三十二蹠無歇時屬車軸折趁不及黃屋草生棄

若遺瑤池西赴王母宴七廟經年不親薦璧臺南與盛姬遊明

堂不復朝諸侯白雲黃竹王母瑤池宴穆天子所歌之曲也歌聲動一人荒樂

萬人愁周從后稷至文武積德累功世勤苦豈知纔及五代孫

心輕王業如灰土由來尤物不在大能蕩君心卽爲害文帝卻
之不肯乘千里馬去漢道興穆王得之不爲戒八駿駒來周室
壞至今此物世稱珍不知房屋之精下爲怪八駿圖君莫愛

澗底松 念寒雋也

有松百尺大十圍生在澗底寒且卑澗深山險人路絕老死不
逢工度之天子明堂欠梁木此求彼有兩不知誰諭蒼蒼造物
意但與之材不與地金張世祿黃憲賢牛衣寒賤貂蟬貴貂蟬
與牛衣高下雖有殊高者未必賢下者未必愚君不見沈沈海
底生珊瑚歷歷天上種白榆

牡丹芳 美天子憂農也

十八家詩鈔

卷十二

七古

白居易上

巽

牡丹芳牡丹芳黃金燦綻紅玉房千片赤英霞爛爛百枝絳焰
燈煌煌照地初開錦繡段當風不結蘭麝囊仙人琪樹白無色
王母桃花小不香宿露輕盈汎紫豔朝陽照耀生紅光紅紫二
色閒深淺向背萬態隨低昂映葉多情隱羞面臥叢無力含醉
妝低嬌笑容疑掩口凝思怨人如斷腸穠姿貴彩信奇絕雜卉
亂花無比方石竹金錢何細碎芙蓉芍藥苦尋常遂使王公與
卿相遊花冠蓋日相望庫車輦輦貴公主香衫細馬豪家郎衛
公宅靜開東院西明寺深開北廊戲蝶雙舞看人久殘鶯一聲
春嬌一作日長共愁日照芳難駐仍張帷幕垂陰涼花開花落二
十日一城之人皆若狂三代以還文勝質人心重華不重實重

華直至牡丹芳其來有漸非今日元和天子憂農桑卹下動天
天降祥去歲嘉禾生九穗田中寂寞無人至今年瑞麥分兩歧
君心獨喜無人知無人知可歎息我願暫求造化力減卻牡丹
妖艷色少迴卿士愛花心同似吾君憂稼穡

紅線毯 憂蠶桑之費也

紅線毯擇繭繅絲清水煮練絲練線紅藍染染為紅線紅於花
織作披香殿上毯披香殿廣十丈餘紅線織成可殿鋪綵絲茸
茸香拂拂線軟花虛不勝物美人踴上歌舞來羅襪繡鞵隨步
沒太原毯澀毳縷硬蜀都褥薄錦花冷不如此毯溫且柔年年
十月來宣州宣州太守加樣織自謂為臣能竭力百夫同擔進
十八家詩鈔 卷十二 七古 白居易上 吳

杜陵叟 傷農夫之困也

宮中線厚絲多卷不得宣州太守知不知一丈毯用一本無千
兩絲地不知寒人要暖少奪人衣作地衣貞元中宣州進

杜陵叟杜陵居歲種薄田一頃餘三月無雨旱風起麥苗不秀
多黃死九月降霜秋早寒禾穗未熟皆青乾長吏明知不申破
急斂暴徵求考課典桑賣地納官租明年衣食將何如剝我身
上帛奪我口中粟虐人害物即豺狼何必鉤爪鋸牙食人肉不
知何人奏皇帝帝心惻隱知人弊白麻紙上書德音京畿盡放
今年稅昨日里胥方到門手持尺牒榜鄉村十家租稅九家畢
虛受吾君蠲免恩

繚綾 念女工之勞也

繚綾繚綾何所似不似羅綃與紈綺應似天台山上明月一作明
前四十五尺瀑布泉中有文章又奇絕地鋪白煙花簇雪織者
何人衣者誰越溪寒女漢宮姬去年中使宣口勅天上取樣人
間織織為雲外秋鴈行染作江南春水色廣裁衫袖長製袞金
斗熨波刀剪紋異彩奇文相隱映轉側看花花不定昭陽舞人
恩正深春衣一對直千金汗沾粉汗不再著曳土躡泥無惜心
繚綾織成費功績莫比尋常繒與帛絲細縲多女手疼扎扎千
聲不盈尺昭陽殿裏歌舞人若見織時應也一作惜

賣炭翁 苦宮市也

十八家詩鈔

卷十二 七古

白居易上

望

賣炭翁伐薪燒炭南山中滿面塵灰煙火色兩鬢蒼蒼十指黑
賣炭得錢何所營身上衣裳口中食可憐身上衣正單心憂炭
賤願天寒夜來城外一尺雪曉駕炭車輾冰轍牛困人飢日已
高市南門外泥中歇兩騎翩翩來是誰黃衣使者白衫兒手把
文書口稱勅迴車叱牛牽向北一車炭重一本無重字千餘斤宮使
驅將惜不得半匹紅紗一丈綾繫向牛頭充炭直

母別子 刺新開舊也

母別子子別母白日無光哭聲苦關西驃騎大將軍去年破虜
新策勅勅賜金錢二百萬洛陽迎得如花人新人迎來舊人棄
掌上蓮花眼中刺迎新棄舊未足悲悲在君家畱兩兒一始扶

行一初坐坐暖行哭牽人衣以汝夫婦新嫵婉使我母子生別
離不如林中鳥與鵲母不失雛雄伴雌應似園中桃李樹花落
隨風子住一作枝新人新人聽我語洛陽無限紅樓女但願將
軍重立功更有新人勝於汝

陰山道 疾貪虜也

按李傳云元和二年有詔悉以金銀酬回鶻馬價

陰山道陰山道紇邏敦肥水泉好每至戎人送馬時道傍千里
無纖草草盡泉枯馬病羸飛龍但印骨與皮五匹縑易一匹
縑去馬來無了日養無所用去非宜每歲死傷十六七縑絲不
足女工苦疏織短截充匹數藕絲蛛網三丈餘回鶻訴稱無用
處咸安公主號可胡賈反敦遠為可音克汗頻奏論元和二年下新
十八家詩鈔卷十二七古白居易上吳
勅內出金帛酬馬直仍詔江淮馬價縑從此不令疏短織合羅
將軍呼萬歲捧授金銀與縑綵誰知黠虜啟貪心明年馬多來
一倍縑漸好馬漸多陰山虜奈爾何

時世妝 警將變也

時世妝時世妝出自城中傳四方時世流行無遠近顯不施朱
面無粉烏膏注脣脣似泥雙眉畫作八字低妍媸黑白失本態
妝成盡似含悲唬圓鬢無髻椎髻樣斜紅不暈赭面狀昔聞被
髮伊川中辛有見之知有戎元和妝梳君記取髻椎面赭非華
風

李夫人 鑒嬖惑也

漢武帝初喪李夫人夫人病時不肯別死後畱得生前恩君恩
不盡念未已甘泉殿裏令寫真丹青寫出竟何益不言不笑愁
殺人又令方士合靈藥玉釜煎鍊金爐焚九華帳深夜悄悄反
魂香降夫人魂夫人之魂在何許香煙引到焚香處既來何苦
不須與縹緲悠揚還滅去去何速兮來何遲是邪非邪兩不知
翠蛾髣髴平生貌不似昭陽寢疾時魂之不來君心苦魂之來
兮君亦悲背燈隔帳不得語安用暫來還見違傷心不獨漢武
帝自古及今皆若斯君不見穆王三日哭重壁臺前傷盛姬又
不見太陵一掬淚馬嵬坡下念楊妃縱令妍姿豔質化爲土此
恨長在無銷期生亦惑死亦惑尤物惑人忘不得人非木石皆
十八家詩鈔卷十二七古白居易上 兪

有情不如不遇傾城色

陵園妾 託幽閉喻被讒遭黜也

陵園妾顏色如花命如葉命如葉薄將奈何一奉寢宮年月多
年月多時光換春愁秋思知何限青絲髮落叢鬢疏紅玉膚銷
繫衰纒憶昔宮中被妬猜因讒得罪配陵來老母嗁呼趁車別
中官監送鎖門迴山宮一閉無開日未死此身不令出松門到
曉月徘徊柏城盡日風蕭瑟松門柏城幽閉深聞蟬聽燕感光
陰眼看菊蕊重陽淚手把梨花寒食心把花掩淚無人見綠蕪
牆遶青苔院四季徒支妝粉錢三朝不識君王面遙想六宮奉
至尊宣徽雪夜浴堂春雨露之恩不及者猶聞不啻三千人我

爾君恩何厚薄願令輪轉直陵園三歲一來均苦樂

鹽商婦 惡幸人也

鹽商婦多金帛不事田農與蠶績南北東西不失家風水爲鄉
船作宅本是揚州小家女嫁得西江大商客綠鬢濡去金釵多
皓腕肥來銀釧窄前呼蒼頭後此婢問爾因何得如此婿作鹽
商十五年不屬州縣屬天子每年鹽利入官時少入官家多人
私官家利薄私家厚鹽鐵尚書遠不知何況江頭魚米賤紅鮪
黃橙香稻飯飽食濃妝倚桄樓兩朵紅顛花欲綻鹽商婦有幸
嫁鹽商終朝美飯食終歲好衣裳好衣美食來何處亦須慚媿
桑弘羊桑弘羊死已久不獨漢世今亦有

十八家詩鈔

卷十二

七古

白居易上 五

杏爲梁 刺居處僭也

杏爲梁桂爲柱何人堂室李開府碧砌紅軒色未乾去年身沒
今移主高其牆大其門誰家第宅盧將軍素泥朱板光未滅今
歲官收賜別人開府之堂將軍宅造未成時頭已白逆旅重居
逆旅中心是主人身是客更有愚夫念身後心雖甚長計非久
窮奢極麗越規模付子傳孫令保守莫教門外過客聞撫掌回
頭笑殺君君不見馬家宅尚猶存宅門題作奉誠園君不見魏
家宅屬他人詔贖賜還五代孫元和四年詔特以官錢贖魏徵
勝業坊中舊宅以還其孫用獎
忠儉存奢失今在目安用高牆圍大屋

井底引銀瓶 止淫奔也

井底引銀瓶。銀瓶欲上絲繩絕。石上磨玉簪。玉簪欲成中央折。
瓶沈簪折知奈何。似妾今朝與君別。憶昔在家爲女時。人言舉
動有殊姿。嬋娟兩鬢秋。蟬翼宛轉雙蛾遠。山色笑隨女伴後。圍
中此時與君未相識。妾弄青梅倚短牆。君騎白馬傍垂楊。牆頭
馬上遙相顧。一見知君卽斷腸。知君斷腸共君語。君指南山松
柏樹。感君松柏化爲心。暗合雙鬟逐君去。到君家舍五六。年君
家大人頻有言。聘則爲妻奔是妾。不堪主祀奉蘋蘩。終知君家
不可住。其奈出門無去處。豈無父母在高堂。亦有親情滿故鄉。
潛來更不通消息。今日悲羞歸不得。爲君一日恩。誤妾百年身。
寄言癡小人家女。慎勿將身輕許人。

十八家詩鈔

卷二十七古

白居易上

至

官牛

諷執政也

官牛官牛駕官車。澹水岸邊驅。載沙一石沙幾斤。重朝載暮載。
將何用。載向五門官道西。綠槐陰下鋪沙隄。昨來新拜右丞相。
恐怕泥塗汙馬蹏。右丞相馬蹏。聞沙雖淨潔。牛領牽車欲流血。
右丞相但能濟人治國。調陰陽。官牛領穿亦無妨。

紫毫筆

誠失職也

紫毫筆尖

一作織

如錐兮利如刀。江南石上有老兔。喫竹飲泉生

紫毫宣城工人采爲筆。千萬毛中選

一作揀

一毫毫雖輕功甚重

管勒工名充歲貢。君兮臣兮勿輕用。將何如。願賜東西

府御史願頰左右臺起居。搢

一作搢

管趨入黃金闕。抽毫立在白

玉墀除一作臣有奸邪正衙奏君有動言直筆書起居郎侍御史爾知紫毫不易致每歲宣城進筆時紫毫之價如金貴慎勿空將彈失儀慎勿空將錄制詞

隋堤柳 憫亡國也

隋堤柳歲久年深盡衰朽風飄飄兮雨蕭蕭三株兩株汴河口老枝病葉愁殺人曾經大業年中春大業年中燭天子種柳成行夾流水西至黃河東至淮綠影一千三百里大業末年春暮月柳色如煙絮如雪南幸江都恣佚遊應將此樹蔭龍舟紫髯郎將護錦纜青蛾御史直迷樓海內財力此時竭舟中歌笑何日休上荒下困勢不久宗社之危如綴旒燭天子自言福祚長十八家詩鈔卷二十七古白居易上至

草茫茫 懲厚葬也

草茫茫土蒼蒼茫茫蒼蒼在何處驪山腳下秦皇墓墓中下洞臺下多悲風二百年來汴河路沙草和煙朝復暮後王何以鑒前王請看隋堤亡國樹一本綴旒下多揚天子自言殊無極豈知明年正朔歸

二重泉當時自以為深固下流水銀象江海上綴珠光作烏兔別為天地於其閒擬將富貴隨身去一朝盜掘墳陵破龍椁神堂三月火可憐寶玉歸人閒暫借泉中買身禍奢者狼藉儉者安一凶一吉在眼前憑君回首向南望漢文葬在灞陵原

古冢狐 戒豔色也

古冢狐妖且老化為婦人顏色好頭變雲鬟面變妝大尾曳化長紅裳徐徐行傍荒邨路日欲暮時人靜處或歌或舞或悲嘯翠眉不舉花鈿一作顏低忽然一笑千萬態見者十八八九迷假色迷人猶若是真色迷人應過此彼真此假俱迷人人心惡假貴重真狐假女妖害猶淺一朝一夕迷人眼女為狐媚害則一作卻深日增月長溺人心何況衰妲之色善蠱惑能喪人家覆人國君看為害淺深間豈將假色同真色

黑潭龍 疾貪吏也

黑潭水深色如墨傳有神龍人不識潭上架屋官立祠龍不能十八家詩鈔卷二十七古日居易上奎神人神之神一作異災凶水旱與疾疫鄉里皆言龍所為家家養豚漉清酒朝祈暮賽依巫口神之來兮風飄飄紙錢動兮錦繖搖神之去兮風亦靜香火滅兮盃盤冷肉堆潭岸石酒潑廟前草不知龍神享幾多林鼠山狐長醉飽狐何幸豚何辜年年殺豚將餒狐假龍神食豚盡九重泉底龍知無

天可度 惡詐人也

天可度地可量唯有人心不可防但見丹誠赤如血誰知偽言巧似簧勸君掩鼻君莫掩使君夫婦為參商勸君撥蜂君莫撥使君父子成豺狼海底魚兮天上鳥高可射兮深可釣唯有人心相對時咫尺之間不能料君不見李義府之輩笑欣欣笑中

有刀潛殺人陰陽神變皆可測不測人閒笑是瞋

秦吉了 哀冤民也

秦吉了出南中彩毛青黑花頸紅耳聰心慧舌端巧鳥語人言無不通昨日長爪鳶今朝大觜烏鳶指乳燕一窠覆烏啄母雞雙眼枯雞號墮地燕驚去然後拾卵攫其雛豈無鵬與鸚喙中肉飽不肯搏亦有鸞鶴羣閑立颺高如不聞秦吉了人云爾是能言鳥豈不見雞燕之冤苦吾聞鳳皇白鳥主爾竟不為鳳皇之前致一言安用噪噪一作啾啾閑言語

鷓九劍 思決壅也

歐冶子死千年後精靈暗授張鷓九鷓九鑄劍吳山中天與日

十八家詩鈔

卷二十七古

白居易詩

語

時神借功金鐵騰精火翻燄踴躍求為鏤鏘劍劍成未試十餘年有客持金買一觀誰知閉匣長思用三尺青蛇不肯蟠客有心劍無口客代劍言告鷓九君勿矜我玉可切君勿誇我鐘可刺不如持我決浮雲無令漫漫蔽白日為君使無私之光及萬物蟄蟲昭蘇萌草出

采詩官 監前王亂亡之由也

采詩官采詩聽謠導人言言者無罪聞者誠不流上通上下秦周滅秦興至隋氏十代采詩官不置郊廟登歌讚君美樂府豔詞悅君意若求輿諭規刺言萬句千章無一字不是章句無規刺漸恐朝廷絕諷議諍臣杜口為冗員諫鼓高懸作虛器一人

負辰常端默百辟入門皆自媚夕郎所賀皆德音春官每奏唯
祥瑞君之堂兮千里遠君之門兮九重闕君耳唯聞堂上言君
眼不見門前事貪吏害民無所忌奸臣蔽君無所畏君不見厲
王胡亥一作揚帝之末年羣臣有利君無利君兮君兮願聽此欲開
壅蔽一本作君兮君兮若要除貪害開壅蔽
達人情先向歌詩求諷刺

十八家詩鈔

卷十一

七古

白居易上

卷十一



十八家詩鈔卷十一

善化黃維申襄校

